



**GARIS PANDUAN
PENGELUARAN TAULIAH PENYEMBELIH
JABATAN AGAMA ISLAM NEGERI JOHOR**

1. TUJUAN

Garis Panduan Tauliah Penyembelih Tahun 2021 ini bertujuan memberi penjelasan mengenai **Prosedur Permohonan Tauliah Penyembelih Jabatan Agama Islam Negeri Johor**.

2. RUMAH SEMBELIHAN YANG LAYAK MOHON TAULIAH PENYEMBELIH

- a. Rumah Sembelihan milik orang Islam yang mempunyai Sijil Pengesahan Halal Malaysia.
- b. Rumah Sembelihan milik bukan orang Islam yang mempunyai Sijil Pengesahan Halal Malaysia.
- c. Rumah Sembelihan milik orang Islam yang tiada Sijil Pengesahan Halal Malaysia.

3. RUMAH SEMBELIHAN YANG TIDAK LAYAK MOHON TAULIAH PENYEMBELIH

- a. Rumah Sembelihan milik Bukan Orang Islam yang tiada Sijil Pengesahan Halal Malaysia.

4. SYARAT-SYARAT PERMOHONAN

Pemohon yang layak memohon Tauliah Penyembelih mestilah memenuhi syarat-syarat berikut :-

- a. Beragama Islam
- b. Sihat akal dan tubuh badan
- c. Warganegara Malaysia atau Pemastautin Tetap Malaysia
- d. Menghadiri kursus yang ditetapkan; dan
- e. Bekerja dipremis penyembelihan yang berdaftar dengan Suruhanjaya Syarikat Malaysia (SSM)

5. PROSES PERMOHONAN

5.1 PERMOHONAN

- a. Hendaklah mengisi borang permohonan yang mengandungi maklumat seperti berikut :-
 - i. Maklumat pemohon;
 - ii. Maklumat syarikat/majikan;
 - iii. Maklumat premis penyembelihan;
 - iv. Perakuan pemohon; dan
 - v. Perakuan dan sokongan syarikat/majikan
- b. Menyertakan dokumen sokongan seperti berikut :-
 - i. Salinan kad pengenalan;
 - ii. Tiga (3) gambar berukuran passport;
 - iii. Sijil kursus yang ditetapkan;
 - iv. Salinan kad suntikan vaksinasi Anti Tifoid;
 - v. Salinan lesen premis perniagaan daripada PBT/DVS;
 - vi. Surat lantikan kerja daripada pihak majikan; dan
 - vii. Pelan lokasi premis
- b. Borang permohonan hendaklah dihantar kembali ke alamat Bahagian Pengurusan Halal, Jabatan Agama Islam Negeri Johor.

5.2 KADAR YURAN PERMOHONAN, BAYARAN TAULIAH PENYEMBELIH DAN PEMBAHARUAN TAULIAH

- a. Bayaran permohonan adalah ditetapkan sebanyak RM200.00 (Ringgit Malaysia: Dua ratus sahaja) 2 tahun. Tempoh sah setiap permohonan adalah selama 2 tahun;
- b. Bayaran hendaklah dibuat dalam bentuk wang tunai, bank draf, cek atau wang pos atas nama PENGARAH JABATAN AGAMA ISLAM NEGERI JOHOR.
- c. Bayaran pembaharuan tauliah juga adalah sebanyak RM200.00 (Ringgit Malaysia: Dua ratus sahaja) setahun. Tempoh sah setiap pembaharuan juga adalah selama 2 tahun;
- d. Bayaran yang dibuat tidak akan dikembalikan.

5.3 KURSUS DAN UJIAN (PERMOHONAN BARU)

- a. Peserta hendaklah menghadiri dan mengikuti kursus yang ditetapkan dengan jayanya serta lulus menjalani ujian bertulis/lisan dan amali yang ditetapkan; dan
- b. Bagi peserta yang gagal boleh menduduki semula ujian bertulis/lisan dan amali yang ditetapkan tanpa bayaran tambahan (tidak melebihi dua [2] kali).

5.4 KELULUSAN

- a. Tauliah Penyembelih akan dikeluarkan setelah diluluskan oleh pihak berkuasa agama Islam negeri berkenaan;
- b. Hanya pemohon yang mengikuti kursus dengan jaya dan lulus ujian yang ditetapkan layak dipertimbangkan; dan
- c. Pemohon yang diluluskan akan diberikan “**Tauliah Penyembelih**”.

5.5 TEMPOH SAH LAKU

- a. Tauliah Penyembelih adalah sah selama tempoh **DUA TAHUN [2 TAHUN]** selagi ianya tidak melanggar syarat pemegang Tauliah Penyembelih yang telah ditetapkan.
- b. Tempoh sah laku Tauliah Penyembelih yang dikeluarkan **akan tamat pada setiap 31 Disember** tahun berikutnya.

6. SYARAT-SYARAT PEMEGANG TAULIAH

6.1 SYARAT SEMASA BERTUGAS

- a. Penyembelih hendaklah menyembelih mengikut hukum Syarak pada setiap masa dan memenuhi Keperluan MS 1500:2009 *Halal Food-Production, Preparation, Handling and Storage-General Guidelines (Second Revision)*, MS 1500:2019 *Halal Food-General Requirements (Third Revision)*, *Animal Rules* 1962, Akta Binatang 1953 (Semakan 2006), Akta Rumah Penyembelihan (Penswastaan) 1993, *Ordinance Sabah Slaughterhouse Rules* 2004 (Sabah), Akta Makanan 1983 (Akta 281), Peraturan-Peraturan Makanan 1985, Peraturan-Peraturan Kebersihan Makanan 2009 serta lain-lain perundangan dan peraturan terkini yang dikuatkuasakan oleh pihak berkuasa berkaitan hendaklah dipatuhi.

- b. Penyembelih hendaklah memastikan binatang sembelihan dalam keadaan sihat dan masih ada *hayyat mustaqirrah* semasa sembelihan dilakukan;
- c. Binatang sembelihan dikendalikan dengan cara yang sewajarnya sebelum dan selepas sembelihan;
- d. Karkas hendaklah dikendalikan dengan cara yang bersih dan sesuai; dan
- e. Sekiranya pemegang tauliah bertugas sebagai pemeriksa halal Muslim (*Muslim Halal Checker*), beliau hendaklah melaksanakan tugas-tugas sebagaimana yang ditetapkan mengikut Prosedur Pensijilan Halal Malaysia.

6.2 SYARAT PENGGUNAAN TAULIAH PENYEMBELIH

- a. Penyembelih hendaklah mempamerkan atau menunjukkan Sijil Tauliah penyembelih sekiranya diminta oleh pihak berkuasa;
- b. Pemegang tauliah penyembelih tidak boleh mengubahsuai, memindah milik, menyalahgunakan atau membenarkan pihak lain menyalahgunakan tauliah tersebut; dan
- c. Sijil Tauliah Penyembelihan tidak sah untuk digunakan sebagai dokumen untuk menjual/mengedar/mempromosi sembelihan halal dari premis berkaitan.

6.3 SYARAT TEMPAT BERTUGAS

- a. Tempat bertugas hendaklah sebagaimana pada Sijil Tauliah Penyembellih sahaja
- b. Perpindahan tempat bertugas yang melibatkan syarikat yang sama dan di dalam negeri yang sama hendaklah dimaklumkan kepada Bahagian Pengurusan Halal, Jabatan Agama Islam Negeri Johor
- c. Perpindahan tempat bertugas yang melibatkan perpindahan Negeri perlu memaklumkan kepada Jabatan Agama Islam Negeri di negeri tempat baru bertugas dengan membawa bersama Sijil Tauliah Penyembelih asal.

6.4 SYARAT RUMAH SEMBELIHAN

a. Rumah Sembelihan persendirian:

Rumah sembelihan atau premis sembelihan hendaklah tidak bersebelahan dengan rumah sembelihan atau premis sembelihan tidak halal (ayam yang tidak disembelih mengikut hukum syarak).

b. Bagi premis di pasar:

- (i) Dinding pemisah hendaklah dibuat di antara premis atau tempat sembelihan Muslim dan Bukan Muslim.
- (ii) Menyediakan kawalan kepada pekerja dan produk sembelihan agar tidak berlaku kesilapan percampuran yang boleh menimbulkan keraguan kepada pelanggan dan masyarakat.

6.5 SYARAT UMUM

- a. Penyembelih hendaklah memberi kerjasama sepenuhnya kepada pihak berkuasa semasa pemeriksaan dibuat;
- b. Membuat laporan kepada Jabatan Agama Islam Negeri jika kehilangan Sijil Tauliah Penyembelih.
- c. Mematuhi etika penyembelih sebagai seorang Muslim.

7. ETIKA PENYEMBELIH

- a. Menunaikan kewajipan sebagai seorang Muslim;
- b. Menghindarkan diri daripada terjebak dengan sebarang gejala negatif;
- c. Penyembelih hendaklah memakai pakaian menutup aurat, sopan serta sesuai sepanjang tempoh menyembelih;
- d. Menjaga kebersihan diri dan kawasan penyembelihan; dan
- e. Segera memaklumkan kepada Jabatan Agama Islam Negeri Johor sekiranya berlaku sebarang pelanggaran dari aspek Syarak dan prosedur Pensijilan Halal Malaysia yang dilakukan oleh pihak majikan.

8. PEMBAHARUAN

- a. Penyembelih hendaklah mengemukakan permohonan pembaharuan Tauliah Penyembelih dalam tempoh tiga [3] bulan sebelum tamat tempoh sah laku;
- b. Permohonan hendaklah dibuat di Bahagian Pengurusan Halal, Jabatan Agama Islam Negeri Johor.
- c. Hendaklah menghadiri mana-mana kursus lanjutan yang ditetapkan oleh Jabatan Agama Islam Negeri Johor.

9. PEMANTAUAN DAN PENGUATKUASAAN

- a. Jabatan Agama Islam Negeri Johor (JAINJ) dan JAKIM boleh membuat pemantauan dan penguatkuasaan ke atas pemegang tauliah penyembelih pada bila-bila masa; dan
- b. Pemantauan atau penguatkuasaan juga boleh dibuat berdasarkan aduan.

10. PEMBATALAN / PENARIKAN BALIK TAULIAH PENYEMBELIH

- a. Pihak Jabatan Agama Islam Negeri Johor yang meluluskan berkuasa menggantung, membatalkan atau menarik balik Tauliah Penyembelih yang dikeluarkan jika terbukti pemegang tauliah telah melanggar Syarat-syarat Pemegang Tauliah Penyembelih sebagaimana ketetapan pada Para 3 atau telah melanggar Etika Penyembelih sebagaimana ketetapan pada Para 4.
- b. Keputusan Pihak Berkuasa Agama Islam adalah muktamad.

11. TARIKH KUATKUASA

- a. Garis Panduan Pengeluaran Tauliah Penyembelih Jabatan Agama Islam Negeri Johor Tahun 2021 ini mula berkuatkuasa **pada 1 September 2021.**

12. PERTANYAAN

Maklumat lanjut atau sebarang pertanyaan boleh berhubung dengan:

**Bahagian Pengurusan Halal
Jabatan Agama Islam Negeri Johor
Aras 1, Blok A, Pusat Islam Iskandar Johor
No. Telefon: 07-2076360
Emel: *pengurusanhalaljohor@gmail.com atau
pemantauanhalaljohor@gmail.com***

Disediakan oleh:

**Bahagian Pengurusan Halal
Jabatan Agama Islam Negeri Johor**





Jabatan Agama Islam Negeri Johor
Bahagian Pengurusan Halal
Aras 1, Blok A, Pusat Islam Iskandar Johor
Jalan Masjid Abu Bakar, Karung Berkunci 725
80990 Johor Bahru
Tel: 07-2076360
Emel: pemantauanhalaljohor@gmail.com



No rujukan/Siri:

Gambar
Pemohon

BORANG PERMOHONAN Tauliah Penyembelih

1. KATEGORI RUMAH SEMBELIHAN (sila ✓ mana yang berkaitan)

- ☐ Milik Orang Islam Yang Mempunyai Sijil Pengesahan Halal Malaysia
- ☐ Milik Bukan Orang Islam Yang Mempunyai Sijil Pengesahan Halal Malaysia
- ☐ Milik Orang Islam Yang Tiada Sijil Pengesahan Halal Malaysia
- ☐ Milik Bukan Orang Islam Yang Tiada Sijil Pengesahan Halal Malaysia

2. BUTIRAN PEMOHON

Nama		No. Kad Pengenalan	
Alamat Surat-Menyurat		Telefon	
Pengalaman Penyembelihan (bulan/tahun)			
Kursus Penyembelihan Yang Pernah Dihadiri	Nama Kursus	Tarikh	Penganjur

3. BUTIRAN SYARIKAT

Nama dan Alamat Syarikat		No. Telefon	
Nama Pemilik Syarikat		Faks	
Nama Pegawai Yang Boleh Dihubungi		Emel	

4. BUTIRAN PREMIS SEMBELIHAN

Nama Premis		No. PBT (Jika Ada)	
Alamat Premis Sembelihan		No. SSM (Jika Ada)	

5. PERAKUAN PEMOHON

Saya mengakui bahawa semua pernyataan di atas adalah benar. Sekiranya didapati terdapat mana-mana pernyataan yang tidak benar, maka permohonan tersebut akan ditolak.

Tandatangan Pemohon	Cap & Pengesahan Syarikat	Tarikh

6. KEGUNAAN PEJABAT

Tarikh Permohonan Diterima:		Tarikh Permohonan Ditolak:	
Markah Ujian Bertulis:		Markah Ujian Lisan:	
Disemak oleh:	Disahkan oleh:		Diluluskan oleh:

***Rumah Sembelihan Milik Bukan Orang Islam Yang Tiada Sijil Pengesahan Halal Malaysia Tidak Layak Membuat Permohonan Tauliah Penyembelih**